

USARS UTHOLE IZICELO ZEMISEBENZI EZEVILE KU-88 000

Tshwane, ngoLwesine 15 kuMbaso 2021 – UPhiko lweziMali eziNgenayo eNingizimu Afrika (SARS) luthokozile ngokunanelwa kwekhwelo oluluhlabile ngokufakwa kwezicelo zomsebenzi ezikhaleni ezehlukene ezizogcwaliswa ngenhloso yokwenza ngcono usizo oluhlinzekwa abakhokhintela kanjalo nokuthuthukisa amazinga okuthobela.

Izikhala zemisebenzi ezazikhangisiwe zibandakanya imikhakha eminingi yokusebenza kwaSARS, kubandakanya Ongoti abanoLwazi lwezobuChwepheshe (Information Technology Specialists), oNgoti ngokuSingathwa kweMininingo (Data Management Specialists), oNgoti boCwaningo mabhuku nobuNgozi (Audit and Risk Specialists), oNgoti bezoPhenyo (Investigations Specialists) kanye nabaCwaningi mabhuku (Auditors) abagxila ezindabeni zokuGwema iNtela kanye nezindaba ezifana nalezo, kanye nakweminye imikhakha eminingi.

USARS ukhungathekile ngesibalo esingu-88009 sezicelo abazitholile. Kulezi sibalo, izicelo eziyi-15092 bekuyizicelo ezivela ngaphakathi. Isimo sokuntuleka kwemisebenzi ezweni lethu sanele ukubonisa izinselelo esibhekene nazo njengezwe. Kuyinselelo esabisayo okumele bonke abantu baseNingizimu Afrika bazimisela futhi bakukhuthalele ukwenza konke ukuyinqoba. USARS uzodlala indima yawo, ngebhadi sizothatha abafakizicelo abayi-500 kuphela abazoba sohlelweni loKwakha isiZwe esikhungweni sethu.

USARS ukholwa ukuthi uhulumeni eyedwa angeke akwazi ukusungula imisebenzi eyanele kanti sethamba ukuthi nabanye, ikakhulukazi umkhakha wezinkampani ezizimele, bazokwenza okusemandleni abo ukunika intsha eneziqu ithuba lokuqala impilo ngokuyinika ithuba lokuqeqeshwa, uma kwenzeka, babaqashe ukuze zikhombise ukuzinikela kwethu sonke ekwakheni ikusasa elichumile nokubanika isiqalo esizoba usizo empilweni.

Ngokuvamile, uhlobo ngalunye lomsebenzi luthole izicelo eziyi-468 (ezivela ngaphakathi nezivela ngaphandle). Esibalweni sezicelo, kunezicelo eziyi-7946 ezivela ngaphandle zalabo abaneziqu, kanti ezingama-755 ezalabo abenza imisebenzi abangama-*Chartered Accountants* esibalweni sezicelo. Bekukhona nesibalo esiningi sabafakizicelo abaneziqu ze-Masters ne-PhD.

Njengoba kubonakala ezibalweni, izwe lethu linabantu abangochwepheshe emikhakheni eminingi lapho abangaba abaqashi bakusasa abangathatha kukho ukulekelela izwe ekulweni izinselelo zobubha, ukuntuleka kwemisebenzi nokungalingani. Sonke kumele sibhukule sibhekane nale nselelo.

Usuku lokuvalwa kokwamukelwa kwezicelo kwakumhla ziyi-11 kuMbaso 2021. USARS uzoqhubeka nenqubo yokuqashwa kwabantu ngokuxhumana nalabo abasohliwini olufushane lwabafakizicelo abazobizwa kunhlolekhono. UPhiko lweziMali eziNgenayo eNingizimu Afrika lufisa ukubonga abantu baseNingizimu Afrika ngokweseka nokwethemba lesi sikhungo.

Kukhona izikhala zomsebenzi lapho kungafakangwa khona izicelo ezanele. Ngalokho-ke, lezi zikhala zomsebenzi zizophinde zikhangiswe kabusha kungosi yethu yemisebenzi kusizindalwazi sakwa-SARS. Kukhuthazwa abantu abanentshisekelo ukuba bavakashele ikhasi lemiSebenzi ku www.sars.gov.za .